

# Üffsteller

Hiä äs Plädoyer fir äs bitzäli meh  
Verständnis und Toleranz.  
Yys verbindet wytt meh als miär je' chent g'seh  
Us' einsamer Distanz.

Hiä äs Plädoyer fir äs bitzäli meh  
Bemüähig und Toleranz.  
Äs brüücht g'wiss nit meh und miär chened g'seh  
Wiä alles lyyched i' ihrem Glanz.

Was fir n'ä Üffsteller – ä' jedä Tag wird heller  
ohni mänschlich Arroganz.  
Was fir n'ä Üffsteller - wenn diä Wält ä chli schneller  
Fryyer wird vu' Ignoranz.

Hiä äs Plädoyer fir äs bitzäli meh  
Liäbi und Toleranz.  
Äs brüücht g'wiss nit meh und miär chened g'seh  
Nur d'Liäbi macht yys wieder Ganz.